



Шочмо эл, порылык да чын верч!

Б У Д Ъ Г О Т О В /

«Ямде лий»

13-шо (3713) №,
2025 ий 4 апрель,
кугарня



0+

1933 ий 1 февраль годсек лектеш.



Шулдырандыше вашлиймаш


Кодшо рушарнян Йоча да самырык-влаклан В.Колумб лумеш республикысе книгагудышто Йоча книга арням мучашленят. Мероприятийш Йошкар-Оласе школла да йочасадла гыч ўдыр-рвезе-шамыч погыненыт. Амалже – йоча серызе-влак Андрей Усачёв ден Галина Дядина вашлиймашке толыныт. Нуно произ-

веденияштым лудыныт. Ўдыр-рвезе-шамычат почеламутым наизусть тунем толыныт да автор-влак ончылно сылнын каласкаленыт, нунын шомаклан возымо мурымат йонгалтареныт. Андрей Алексеевич гитарым шоктен, шкеак мурен.

Эн онгайже – автор-шамыч дец автографым налаш. Южо икшыве

эсогыл кок-кум книгагудыш конден. Андрей Усачёв ден Галина Дядина кажнылан тыланымашым возеныт (снимкыште). А йоча-влак нунылан пӧлекым кучыктеныт. Икманаш, мӧнгӧ чыланат шулдыранше касныт.

Христина АЛЕКСАНДРОВАН фотожо. Умбакейже – 3-шо лаштыкыште.




Йоча серызе
Андрей Усачёв,
«Умная собачка Соня»
сылнымутшо да молат.

3-шо лаштык

Морко район Кокла-
солаште ылыше
Кушаковмытын ныл
тукымжо.



4-ше лаштык



«Поро паша»
фотоконкурсым
иктешлыме. Палаш
онгай, кӧ сенгышым
лектын?

8-ше лаштык

ПОДПИСКЕ

12 апрель марте Россий мучко Подписчикын декадыже эртаралтеш. 2025 ийын кокымшо пелийжылан «Ямде лий» газетлан шулдырак ак – 436 тентеат 14 ыр (Марий Элыште) – дене возалтса. Индекс – П4696.

Российысе увер

Тазалыкын тўнямбал кечы-же вашеш «Диктант здоровья» акцийыш ушныза. 4-13 апрельшыте шинчымашдам терген кертывда.

Диктантын сайтше – диктантздоровья.рф.

Кевытыште ужалыме модыш-влак коклаште келшышым муын от керт? Тугеже «Создай свою родную игрушку» конкурс – тыланет! Шонымо модышетын сўретшым sp.sun-tv.ru сайтыш 14 апрель марте колтымман.

«Я живу в России» 2025 всероссийский конкурс 20 апрель марте эртаралтеш. Шочмо кундемным тўзатыше да илыш-йўлам аралыше ен нерген очеркым возыза, фото але видеорепортажым ыштыза да iliveinrussia.ru сайтыш йодмашым колтыза.

Марий Элысе увер

Йочасадыш коштышо, тунемше ден студент-влаклан «Палыме лийына!» сылнын лудмо республикысе конкурсым увертареныт.

Тушко ушнаш манын, В.Колумбын почеламутшым марла але рушла лудман да видеош войзен колтымман. Тўрыс увер – rubcolumba.ru сайтыште.

Екатеринбургшты об-ществознаний дене всероссийский олимпиадын пытартыш йыжынжым иктешленыт. Марий Эл гыч Дарья Гвоздева (Йошкар-Ола, Бауман лицей) ден Даяна Валиева (Йошкар-Ола, «Синяя птица» гимназий) ушакылыштым тергеныт да сенгыше-влак радамыш лектыныт.

Йоча-влакын кенгеж канышышт пайдалын эртыже манын, вуйлатыше-шамыч паша радамым палемденит. Тений Марий Элыште 200 утла йоча лагерь пашам ышташ тўналеш. Кызыт нуным ямдылат.



Куштымаш пайрем

«Михаил Мурашко йолташы-же-влакым ўжеш» XIII тўнямбал конкурс-фестиваль куштызо, хо-реограф-постановщик да ончы-шо-шамычым иквереш чумырен да куштымаш пайремым пўлеклен. Тушто Российын 12 регионжо гыч 52 усталык коллектив лу танасыште мастарлыкшым терген, 198 кушты-машым ончыктен. Танасымашке йоча коллектив-влакат ий еда ушнат.

Кужэнер посёлко гыч «Топотушки» калык куштымаш образцовый ансамбль (снимкыште) 5-9 ияш-шамыч коклаште фестивалын Гран-приж дене палемдалтын. «Марий памаш» фольклор да этнографий калык ансамбль 18 ий деч кугурак ийготан-влак коклаште Гран-прим сенен налын.

Людмила ГРИГОРЬЕВА ямдылен.
Иван РЕЧКИННЫН фотожо.

У тукум куандара



ойлымаш, очерк да легенде се-мын почын пуэныт. Нунын пашашт дене «Дружба» альманахыште да «Кече-Солнышко» журналыште палыме лийын кертывда.

Сенгыше ден призёр-влакым В.М.Васильев лўмеш Йылмым, сылнымутым да историйым шымлыше марий институтышто 27 мартыште саламленыт. Мероприятийыш тунемше, туныктышо да уна-влак погыненыт. Кугу Ачамланде сар жапыште тылыште тыршымыж нерген Яков Заболотских каласкален. Йоча-шамыч муро да сылнын лудмо почеламут дене куандареныт. Медведево посёлко гыч Мария Новосёлова Анна Ахматован «Мужество» почеламутшым лудмыж дене кумылым савырен. Усталык дене ойыртемалтше у тукум куандара да ўшаным пуа.

Катя СЕРГЕЕВА.
Снимкыште: Яков Заболотских,
Мария Новосёлова, «Кече-Солнышко»
журналын тўн редакторжо
Светлана Архипова.
Фотом еш архив гыч налме.

«Литературная смена» республикысе сылнымут конкурс тений латвизымше гана эртаралтын. Тудо Кугу Ачамланде сарыште Сенгымашлан 80 ий теммылан да «Кече-Солнышко» йоча журналын 95 ияш лўмгечыжлан пўлеклалтын. Конкурсышко 150 наре паша пурен. Самырык возышо-влак ятыр темым тарватеныт да почеламут,

Шулдырандыше вашлиймаш

Тўналтышыже – 1-ше лаштыкыште.

Руш серызе, поэт, драматург, сценарист Андрей Алексеевич Усачёв (**снимкыште**) йоча-шамычын тўняштым сайын умыла да онгай произведенийлам сера. Книгаже (уэш савыктыме дене пырля) – 300 утла. Ик эн кумдан палымылан «Умная собачка Соня» шотлалтеш. Тиде да моло пашаж почеш шуко мультфильмым войзеныт. А мурыжо мыняр уло!

Йоча-влаклан серызе нерген утларак пален налаш онгай лийын. Вашлиймаш годым ятыр йодышым пуэзыт. Икмынарже дене тендамат палдарем.

– «Умная собачка Соня» *книгам умбакыже возаш шонедат?*

– Мыланем тиде йодышым ынде кумло ий пуат. Эре возем, мутлан, пытартыш книгам «Соня на даче» маналтеш. Южышт Сонян тенызыште улмыж нерген сераш темлат. Ала эше возем. Каласаш

кўлеш, ты книган геройжо – шке пием, Соня лўманак лийын.

– *А Соня ила?*

– Пий-шамыч 15-20 ий илат. Эн шукожо 22 ий, можыч. А Соня 1985 ийыште шочын, садлан tudo пеленна уке. Но книгаште курымла дене илаш да йоча-влакым куандараш тўналеш.

– «Умная собачка Соня» *книга сынан пырыс нерген савыктыш лиеш?*

– Тыгай книга уло: «Приключения Котобоя». Шым книгам луктынам. Пеш онгай, лудаш темлем.

– «Жили-были ёжики» *книгам умбакыже возеда? Мутлан, нуно иктаж-кушко путешествовийш каят.*

– Кызыт у книгам ямдылем. «Прикольный ёжик Вовка» манын лўмденам. Тиде книгаште шоншо олаш кудалеш. Весеште зоопаркыш кая. Икманаш, шоншо нерген кум книга лиеш.

Христина АЛЕКСАНДРОВА.
Авторын фотожо.



Сценыште икымше ошкыл



«Чылт артист улыт», – тыгай шомак дене ончышо-влак, совым рўж кырен, «Первые роли» школ театр фестивалыш ушнышо йоча-шамычым вашлийыныт. 26 мартыште 32 уста коллектив шке мастарлыкшым рўдолаште ончыктен.

Советский район Ёшнўр кыдалаш школын «Фабрика звёзд» кружокшо (**снимкыште**) «Аван мутшо шергакан» спектакльым ямдылен. Нуно 5-7-ше классла коклаште I степеня лауреат лийыныт.

– *Репертуарышкына марий спектакль-шамычым пурташ тыришен.* Ёдыр-рвезе-влак шочмо йылмым йўратен, пагален кушкышт,

шонена. Ты коллектив дене тыгай куку мероприятийыш икымше гана ушненна. Нуно театр тўняшке але икымше ошкылым веле ыштат. А кружокнаже ынде ятыр ий уста тунемие-шамычым кушта. Теве М.Шкетан лўмеш Марий национальный драме театрын артистие Светлана Скулкина (Александрова) тыиечынак тўнэлын. Моло-влакат ты аланыште виянлаш тўнэлыт манын шонена, – ойла Антонина Васильевна Васильева. Нуно Нина Петровна Викторова дене пырля кружокым вўдат.



Звенигово район Поянсола тўналтыш школын «Юные таланты» коллектившат фестивалыш марла шындыме постановкым конден. Йоча-шамыч «Телефон саман» спектакльым модын ончыктымышт дене 1-4-ше классла коклаште III степеня лауреат лийыныт. Кружок кокымшо ий пашам ышта. Тудым Лидия Аркадьевна Васильева вуйлата.

– *Мый лу иаш Васян рольжым модам. Кызытсе саманыште шукын телефон деч озыт ойырло. Вашлийын мутланымашын, уремыште юарлен модмашын кўлешлыкышым мондендыт. Ме спектакльыште тидым ушештарена, – ойла тўн рольым модшо Матвей Кадыков (снимкыште).* Рвезе 4-ше классыште тунемеш.

Фестивалыште Гран-прим Ёшкар-Оласе йоча да самырык-влакын усталык полат пеленысе «Встречая чудо» коллективше да Баман лицейын «РЫЖИЙ КОТ» школ театрже налыныт.

Оля МАЙКОВА.
Авторын фотожо-влак.



Ўшанле энгертыш

«Иза-шольо йоратымаш кў пырдыж дечат пенгыде», – манит калыкыште. Ака-шўжар коклаштат кыл тыгаяк ўшанле. Ўдыр-влак лишыл еныштым 10 апрельште палемдыме ака-шўжар да иза-шольо-шамычын кечышт дене саламлат.



**А н я
С М И Р Н О -
В А** (Кужәгер,
Салтакъял):
«Шўжаремын
лўмжō – Вика.

Ме жапым пыр-ля эртарена: сўретлена, мурена, куштена. Авана кагаз гыч самолёт ден пушым ышта. Вика дене самолётым каваш, пушым шошым йогышо вўдыш колтена».

**С а б р и н а
КИЛПИНЕН**
(Йошкар-Ола,
1-ше номеран
гимназий): «Индира акам,
Имран изам,
Рамзан шольым



улыт. Ме келиен илена. Кажне кеҗежым ача-авана дене пырля Москош кудалына. Олан мотор верлажым шымлена».

Лера ФЁДОРОВА (Волжский,
Упшер): «Ешыште вич
икшыве улына. Ик иза да кум
шольо коклаште
ик ўдыр кушкам.



Ме икте-весеулан урокым ышташ але мўнгысō сомылым шукташ полиена. Яра жапыште ўстел модыш дене модына».

Оля МАЙКОВА мутланен.
Авторын фотожо-влак.



Тукымын вийже кугу

Ожно ик суртышто кум-ныл тукум илен. Изирак-влак кугыен-шамыч деч пашалан тунемынит, ушан ойыштым колыштын, йўлам жаплен кушкынит. Тачысе кечын сўрет весе. Самырык еш посна лекташ тырша. Туге гынат тукум кокласе кыл лушкен манапш ок лий. Тудым пенгыдемдаш йўн-жат шуко уло.

Кушаковмыт еш

Шукерте огыл ик соцкылыште кумылым савырыше фотографийым ужым. Морко район Кокласолаште илыше Кушаковмыт «Три поколения» фотопроектыш ушненыт. Но нуно ныл тукумым ончыктеныт (снимкыште). Эн ончыч самырык Кушаковмыт еш дене палымым ыштем. Ава Надежда Альбертовна Кожлаер школым вуйлата, тыгак тўналтыш классла тунукта. Пелашыже Денис Александрович Коркатово кочегаркыште операторлан пашам ышта. Нуно кум икшывым ончен куштат. Кугурак эргышт, Саша, Озан олесе авиационный институтын студентше. Даша ўдырышт Коркатово лицейште 8-ше классыште тунемеш. Кидпашалан шўман. Пушкыдо модышым пидаш йората. Тидлан труд урокым тунуктышо З.П.Иванова кумыланда. Даша изирак класслаште тунеммыж годым «Ямде лий» газетыш чўчкыдын возкален. Мастарлыкшым тўрлō конкурс ден олимпиадыште терга. Мутлан, «Этот День Победы...» районысо сочинений конкурсышто кокымшо лийын. Географий дене районысо олимпиадыште сенгыше-влак радамыш

лектын. Дана 2-шо классыште тунемеш. Сўретлаш йората. «Шахматы», «Олимпиаец», «Умелые руки», «Умники и умницы», «Английский» кружоклаште шинчы-машыжым келгемда.

Кушаковмыт каныш кечылаште коча-кова-влак деке унала вашкат.

Марий йўлам жаплат

Надежда Альбертовнан аваже, Галина Васильевна Крылова, Кокласолаштак ила. Тудо Энерсола ветучасткыште ветеринарлан ятыр ий пашам ышта. Аваже Мария Романовна Михайловалан – 93 ий. Пошкудо Овдасола ялеш почын, туштак марлан лектын. Ныл ўдырлан ош тўням пōлеклен. Ўмыржō мучко колхозышто пашам ыштен. Кызыт Эльвира ўдыржō дене ила.

– Ме марий йўлам жаплена. Мыйым ача-авам тидлан шўманденит, нуным – кочам ден ковам. Ынде икшывем-шамычым палдарем. Коча-кова дене вашлийме годым шинчымаш шондыкыштым пойдарат. Калык йўла пўртўс дене чак кылдалтын. Тыге ме мланде дене кылым, тукумнан вийжым утларак ишжына. Марий пайрем годым родо-тукум дене вашлийына, йўлам шуктена. Икшыве-влакым пайрем радам дене палдарена. Нунат ончыкыжым ике йочаштын ушыкышит шындарат манын ўшанена. Теве тиде фотомат Ўярня пайрем годым ыштенна. Тек ача-авана, коча-кована-шамыч таза лийыт да шокишо кумылышт дене чоннам кужу жап ырыктат, – ойла Надежда Альбертовна.

Христина АЛЕКСАНДРОВА.
Фотом еш архив гыч налме.

Кум түсан Ириска

Кужәнер район Салтакъял села гыч Даша Малининан (снимкыште) ныл пырысше уло. Но кум түсан Ирискым изи оза поснак йората. Даша ден Ириска чыла вере пырля коштыт. Эсогыл кевытышкат. Тидланже Дашан лүмынак поводокшо уло.

– Ириска мыйым школыш ужата, пörтылмекем, омса воктене вашлиеш, ниялташ йодеш. Вара коктын модына. Мый тудым дрессироватлем. Пöлем покшеке кок пүкенем шогалтем. Пырысем икте гыч весышке тörштылеш. Мучашлан Ирискым мокталтем, – ойла Даша.

Ўдыр 4-ше классыште тунемеш. Школыш куанен коштеш. Яра жапыште сүретлаш йората, ныл йолан йолташыжлан вургемым урга. Кырча-марчам опташ манын, кагаз гыч коробкам ыштылеш.

– Иктыште ўныш пижыктыме резинкым аралем. Тудым кеч-куш шылтем гынат, Ириска садак муэи. Петыртышым




коранден, резинкым луктеш. Вара тудым пörт мучко кышкылт кудалыштеш, – палдара Даша Малинина.

Оля МАЙКОВА.

Фотом еш архив гыч налме.

Оңай Дружок



Мыйын Дружок пием уло (снимкыште). Тудым авай пöлеклен. Кенжежым ик ийым тема. Пийна лапка, күчык йолан, лум гай ош түсан, кудыр пуанан. Шинчаже кугу, шеме. Ончалтышыже поро. Модаш моткоч йората. Школ гыч толмемым вуча. Мыйым ужешат, почшым рүзен-рүзен тörштылеш, ниялтыктынеже. Вара чапажым шуялта, пуйто саламлалтеш. Дружок пеш оңай.

Вика ТИМИРГАЛИНА.

Башкортостан, Дörтылбө, Чарлак.

Фотом еш архив гыч налме.

Виян Ева

Снимкыште мыйым Ева пием дене пырля ужыда. Ме тудым мөнгө моткоч изим конденна. Ева чот начар шочын. Кушкын да виянын кертеш манын, нигө ўшанен огыл. Но ме пырля сененна, сыйын онченна. Мый тудым тамлын пукшем да йүктем. Түрлө командым шуктымужым тергем.

Ксения ВОРОНЦОВА.

Оршанке, Кугунур.

Фотом еш архив гыч налме.



Поян улам

Мый пырыслан поян улам (снимкыште). Ме Пушокым, Снежокым, Асям да Карамелькам ашнена. Кокытым палымына деч налынна. Вара эше кокытын «унала» толыныт, манашлиеш. Нуным пörт шенгелне муынна. Ынде ныл йолташна уло. Ме тамлын пукшена да пеш йоратена.

Сама ЯНДЕМИРОВ.

Кужәнер, Иүледүр.

Фотом еш архив гыч налме.



ДЫМОК

Мыйын ныл йолан йолташем – Дымок. Тиде лүмым шке пуэнам. Дымок – пеш ласка, мырлыше, оңай пырыс. Эше моткоч писе, колям руалтен кучен кертеш. Тудын шинчаже ужарге, а пунжо сур түсан да пушкыдо-пушкыдо. Шöрым да шылым кочкаш йората.

Петя ЦУРКАН.

Волжский, Пöтъял.



Педагогике науко
кандидат, Россий
Федерацийысе общий
образованийын почётан
пашаенже, Марий Эл
Республикысе образован
нийын сулло пашаенже,
Йошкар-Оласе 21-ше
номеран Семёновка
школын туныктышыжо
О.Н.ВАСЕНИНА
ямдылен.

«Авиаций да космонавтике кече» урок

1 Йодыш-влаклан вашештыза.

- Мландын спутникше –
- Икымше космонавтын лўмжō кузе?
- Солнечный системыште мыняр планет уло да нуным кузе лўмдат?
- Могай планет эн изи?
- Юрий Гагарин космосыш могай корабль-спутник дене чонештен?
- Могай лўман пий-влак сандалыкыште лийыныт?
- Икымше ўдырамаш-космонавтым палыза.
- Космонавт-влакын кочкишышт кузе аралалтеш?

2 Мутым кусарен, ойлончым чын чогыза.

1. 1961 ий 12 апрельште корабль-спутник дене совет ен космосыш икымше гана _____ (ПОЛЕТЕЛ)
2. Тудын _____ – Юрий Алексеевич Гагарин. (ИМЯ)
3. Юрий Алексеевич – тыглай колхозникын _____ (СЫН)
4. Юрий _____ лётчик лияш шонен. (С ДЕТСТВА)
5. Юрий Гагарин – _____ (ГЕРОЙ СОВЕТСКОГО СОЮЗА)

4 Космонавт, космос мут-влак дене синквейным чогыза.

6 Юрий Гагаринын йоча-влак-лан тыланымашыжым лудса да руш йылмыш кусарыза.



1) Кеч-куна-мат изи сенгы-маш гыч ку-гушко шуаш тыршыза.

2) Кап-кылдам,

кōргō вий-куатдам пенгыдемды-за, ни могай йōсō деч ида лўд.

3) Футболла модса, тўрлō кру-жо-кыш коштса, спорт дене кылым кучыза.

4) Изирак-влак-лан полшыза, мōнгыштō, школышто шкендам шуарыза, эре поро кумылан лийза.

3 Могай мут-шамыч улыт, палыза.

СНДАЛКЫА – _____
АНАФКСДР – _____
ЕТИОРБ – _____
ОНАВТКОСМ – _____
ЕКЕЧ – _____
ЛАМНЕД – _____

6 Калыкмут-влакым чын ушыза.

- | | |
|----------------------------------|-------------------------|
| 1. Таза капыште – | А. таза ушым чумыра. |
| 2. Тазалыкым | Б. таза чон. |
| 3. Калыкын тазалыкше – | В. тазалык пече. |
| 4. Паша капым тазангда, | Г. оксала налаш ок лий. |
| 5. Яндар юж да вўд, чевер кече – | Д. элын поянлыкше. |

1.	2.	3.	4.	5.

7 Фотосўретыште кōмыт улыт? Возыза.



Шошо каныш

Шошо каникуллан ковам деке Кужэнгер район Кугу Регежышке унала миснам. Ялыште пеш сай. Ковам дене пырля модынна, книгам лудынна, сурт коклаште сомылым ыштенна, мӱнгысӧ паша нергенат монден омыл. Шуко жапым пӱртӱсыштӧ эртаренна. Ик кечын чылт путешествийым ыштенна. Чодыраште, вӱд воктенс коштынна (снимкыште), пошкудо яллашке мисенна. Ковам ачамын тунемме школжым ончыктен. Ондак тудым тора гыч ужынам, но лишычын ончаш онгайрак улмаш. Йолын ончен кошташ мыланем пеш келшен. Шошо канышем пайдалын эртен.



Мария МАМАЕВА.
Йошкар-Оласе 23-шо номеран школ.
Фотом еш архив гыч налме.

Лудаш темлена

2 апрельште кумдан палыме йоча серызе Ганс Христиан Андерсен шочын. Тудын геройжо-влак ончыкылык волгыдо илышлан ӱшаным пуат. Теве изи ӱдыр, Дюймовочка, порылыкшо дене уло тӱням волгалтарен керте. Теат ты сылнымутым лудса да аклыза.

3 апрельште марий серызе Осмин Йыванын шочмыжлан 110 ий темын. Уста писатель сылнымутшым тӱрлӧ ийготан лудшылан пӧлеклен. Лу наре

поэмым возен. Иктыже – «Лётчик». Йочан поян фантазийже да яндар шинча-ончалтышыж дене палыме лийза.

«Мо тыгай сай да мо тыгай уда?» – ты йодышлан чӱчкыдын вашмутым кычалына. Ала поэт Владимир Маяковскийн «Что такое хорошо и что такое плохо?» почеламутшо полшен керте.

Катя СЕРГЕЕВА ямдылен.



7 апрель – Тазалыкын тӱнямбал кечыже.

Пайдале катгаш

- 8 шагат малыман.
- Кечыште 10 000 ошкылым ыштыман.
- 30 минутым спортлан ойырыман.
- 500 грамм пакчасаска ден фруктым кочман.
- Идалыкыште ик гана диспансеризацийым эртыман.
- Кечыште 2 литр вӱдым йӱман.



Историйым шергалына

1945 ий 4 апрельште совет войска-шамыч Словакийн рӱдолажым, Братиславам, фашист тӱшка деч утареныт.

1945 ий 9 апрельште совет войска-влак чот виян Кёнигсберг орым сентен налыныт.

1944 ий 10 апрель – Одессым румын-немыч войска-шамыч деч утарыме кече.

Спорт – илыш вий

Спорт дене кылым кучышо виян, таза кушкеш. Мемнан ешыште чылан таза илыш-йӱлам кучена. Ариадна, Александра акам-влак куржталаш кумылан улыт. Всеволод изам ече дене писын коштеш. Авам школышто эртарыме мероприятийлашке ушна. Ачамат чатка капкылан. Пырля куржталына, ече дене коштына. Мыят спортым йӱратем, таза лияш шонем.

Рафаила ДМИТРИЕВА.
Волжский, Сотнур.

ВӱДШОР		АПРЕЛЬ	
5	16:00	ЧОНЕШТА ТУРНА КАШТА...	Вечеро кылаш
10	18:00	БЕЗ СЛӢЗ НЕ ВЗГЛЯНЕШЬ	М. Арсентьев
11	18:00	ДЯДЯ ВАНЯ	Ваня-фру
12	18:00	СПАСИ КАМЕР-ЮНКЕРА ПУШКИНА	История несовершенного подвига
13	18:00	ЙӱРАТЫМАШ ДА КӱГӱРЧЕН-ВЛАК	История несовершенного подвига
16	18:00	КЕНЕЖ ЙӱД	Пеленка-ночь
17	18:00	ЭРЛА ЯЛ ПАЙРЕМ	Кого-то чинько-маленько-ушло
18	18:00	ЧОНЕШТА ТУРНА КАШТА...	Вечеро кылаш
19	18:00	СПАСИ КАМЕР-ЮНКЕРА ПУШКИНА	История несовершенного подвига
22	18:00	ОРБЕН МЕЛНА	Сладкая жизнь
24	18:00	НӱЛ КУВАЛАН ИК СӱАН	Видеоролик-белая-корова
25	18:00	МИЗАНТРОП	Триллер
26	18:00	ЭРЕ ЧОНЕШТАШ, ЧОНЕШТАШ	Пеленка-ночь
27	18:00	КАВАСЕ АЛАША	История несовершенного подвига

Рекламе.



0+

Марий Эл Республикысе «Марий Эл» увер агентстве» КАУ.
Директор – Е.И. КУЗНЕЦОВ.
Тун редактор – А.Н. ГРИГОРЬЕВА.

Индекс П4696.
Тираж 1550 экз.
Заказ
Формат – А-4-8.

Учредитель-влак:
Марий Эл Республикысе Тӱвыра, печать да калык-влакын пашашт шотышто министерстве,
Марий Эл Республикысе «Марий Эл» увер агентстве» КАУ.

Редакций да издатель: Марий Эл Республикысе «Марий Эл» увер агентстве» КАУ,
424006, Йошкар-Ола,
СССР Вооруженный Вийын 70-ше идалыкше урем, 20-шо порт.
Тел. 8(8362) 45-22-82.

Газетым редакцийште погымо да верстатлыме,
«Марий Эл Республикысе Правительствын типографийже» ООО-што ямде оригинал-макет гыч савыктыме.
Типографийын адресше:
424000, Йошкар-Ола,
Комсомольский урем, 112.

Печатьыш пуйымо жап – 14-00, фактически – 13-00.

Авторын да редакцийын шонымашышт тӱрлӧ лийын кертыт. Серыш-алак мӱнгеш огыт колпат. Ак – кутырен келшыме почеш.

https://vk.com/yamde_lii
<https://t.me/yamdelii>
yamde_lii@mail.ru
yamdelii@mediamari.ru
(автор-влаклан)
Сайтын адресше: ямделий.рф

Газетым Кыл, информационный технологий да массовый коммуникаций сферым эскерыме шотышто федеральный службын Юл кундем федеральный округысо управленийыште регистрироватлыме.
Номер – ПИ № ТУ52-01404,
2023 ий 22 сентябрьште пуйымо.



«Поро паша» фотоконкурс му-
чашке лишеме. Тагасымашке түр-
лө кундем гыч йоча-влак ушне-
ныт. Коеш, икшыве-шамыч поро
пашан акшым умылат, шкештат
кумылын шуктат. Фото-влак
түрлө сынан лийыныт. «ВКон-
такте» соцкылысе «Ямде лий» –
марла йоча газет» түшкам (туш-
ко кажне участникын фотожым
верандыме) кӧ туткын эскерен
гын, ужын: шукынжо кайыкым
пукшымо, кормушкым ыштыме
дене келыштареныт. Ешартыш
лайкым погаш түрлө йӧным тем-
лыме. Ёдыр-рвезе-влак тиддене
пайдаланеныт. Ты шотышто ача-
ава-шамычлан таум ойлена.

Ты гана конкурсышто эн шуко
лайкым Медведево посёлко гыч
Венера ден Феликс Ларионовмыт
(снимкыште) погеныт да сенышыш
лектыныт. Шокшын саламлена!
Пӧлекым редакцийыште налман.

Янлык-влакым келшыме цифр дене ушыза



Писатель Никон Игнатьевын шочмыжлан – 130 ий.

Дате-влакым палыза.

- Никон Васильевич Игнатьев 1895 ий _____мартыште шочын.
- Школыш _____ияш каен.
- «Незерын шомакше» газетын тӱн редакторжылан _____ийыште пашам ышташ тӱнгалын.
- Икымше ойлымашыже – «Пычкемыш кугече». Тудым _____ийыште возен.
- «Вурс мардеж» икымше марий романым _____ийлаште серен.

Вячеслав СМЕРНОВ ямдылен.

«К» буква дене.

Кайыклан – кочкиш

Киса кормушкышто кадыр-
гылын, кочыртатен койышла-
ныш. Кинде курикам кочко.
Канде каваште корак «кар-кар-
кар!» кычкырале. «Кӧн кинды-
же?» – коракет кара. «Кисан», –
кудымшо классыш коштшо
Костя каласыш.

Кернак, кайыклан кочкишым
кодыва. Кормушкышко коям,
кечшудым, кинде курикам кон-
дыза, кайыкым куандарыза!

6-шо классыште тунемше-влак.
Волжский, Сотнур.

Янлык-влакын ӱмылыштым муза.



Понтгым, пылым да янлык-влакым сӱретыште кычалза.

